



TAPAK 10

**Neymar-i maneni PSG
nungi asayaner**



TAPAK 8

**Russia nung Navalny
pusemer 5,100 dak tema apu**

VOL. XVIII NO. 109 (ADOK 109) DIMAPUR

SANGTENNÜ (TUESDAY) TSÜKLAI (FEBRUARY) 02, 2021 ₹ 5.00

J. Alam, IAS-i CS inyaker

Dimapur, February 1 (TYO): Nagaland nung Addl. Chief Secretary to CM aser Development Commissioner J. Alam, IAS-i tang

nungi Chief Secretary mapa inyaka atatsü ta tanü Addl. Chief Secretary-i sangdong ka nung metetdaksüogo.

COVID Nagaland: Nisung 54 anepaludar

Dimapur, February 1 (TYO): Hombarnü Nagaland nung nisung 5 dak Covid-19 aliba putet aser parnok züngsema nisung ajak agi 12,099 kümogo. Külen, nisung 4 taneptsü anguba züngdoker tang nisung 54 anepaludar.

"Tanü Kohima nung nisung 4 aser Tuensang nung nisung 1 dak COVID-19 alibaji putet. Külen, tang tashi nung nisung 11,810 taneptsü nguogo" ta Health & Family Welfare Director, Dr. Denis Hangsing-i ashi.

Nagaland nung COVID-19 puteta alir nisung 88 süogo saka parnok 10 bo tanga timtem ajanga

asü. COVID-19 puteter nisung 147 tashi tanga state temi ogo, ta Dr Hangsing-isa ashi.

Nisung 12,099 rongnung Traced Contacts 4,994, armed forces personnel 4,671, tanga state tem nungi arur 1,861 aser Frontline Workers 573 lir" ta paisa shisem.

Tang anepalurtem rongnung nisung 8 dak shirangba yimya terara lir aser 46 dakbo shirangba yimya kecha mali, ta Director Dr Hangsing-isa metetdaksü.

Nagaland nung COVID-19 alitsü akok ta temolung melemba sample 1,25,075 tendangogo.

NFHRCC-i Kin 11 nungi MLA aser Hoho den senden amentsü

Dimapur, February 1 (TYO): January 30, 2021 nü Dimapur nung amenoka aliba Kin Hoho 11 den Foothills Road (Trans Nagaland Expressway) atema külemi lemeteba ama February 5, 2021 nü kin 11 nungi MLA tem den senden ka amentsü.

Sendenji Hotel Japfu, Kohima nung anepdang 11:00 ako nung tenzüksü anungji Naga kin 11 nungi MLA tem aser Kin Hoho ajak adentsü mepishir, ta Nagaland Foothills Road Co-ordination Committee (NFHRCC)-i tanü sangdong ka nung metetdaksü.

Union Finance Minister-i Budget 2021 benokogo

New Delhi, February 1 (Agencies): Union Finance Minister Nirmala Sitharaman-i Hombarnü Lok Sabha nung Union Budget 2021-22 benokogo.

Narendra Modi-i aniba Centre sorkari tan agi Union Budget 9 buba benokogo.

Tanü Minister Sitharaman-i iba financial year nung Rs 4.39 lakh crore aliba nungi taruba financial year atema Rs 5.54 lakh crore benokogo.

JENJANGDALANGBA AKÜMBA:

- Naphtha
- Caprolactam
- Nylon Chips
- Nylon fibre and yarn
- Iron and Steel melting scrap, including stainless steel scrap
- Primary/Semi-finished products of non-alloy steel
- Flat products of non-alloy and alloy-steel
- Long products of non-alloy, stainless and alloy steel
- Raw materials used in manufacture of CRGO Steel
- Copper Scrap
- Components or parts, including engines, for manufacture of aircrafts by Public Sector Units of Ministry of Defence
- Platinum, Pallidum
- Waste and Scrap of Precious Metals
- Spent Catalyst or ash containing precious metals
- Precious Metal Coins
- Husbandry Feed additives or pre-mixes.

JENJANGTASAKBA AKÜMBA:

- Cotton
- Cotton waste
- Raw Silk (not thrown) and silk
- yarn/yarn spun from silk waste
- Compressors for refrigerators and air conditioners
- LED lamps, parts and spares such as printed circuit board
- Solar invertors and lanterns
- Automobile parts such as safety and toughened glasses
- Windscreen wipers
- Signalling equipment
- Mobile phone parts like PCBA
- Camera module
- Connectors
- Back cover, side keys, mobile phone charger components
- Inputs or raw materials of Lithium-ion battery
- Ink cartridges and ink spray nozzle
- Finished leather products
- Plastic builder wares
- Cut and polished synthetic stones, including cut and polished cubic zirconia
- Fish feed in pellet form
- Flours, meals and pellets of fish, crustaceans, molluscs or other aquatic invertebrates
- Maize Bran
- De-oiled rice bran cake
- Plastics Builder's ware of plastic, not elsewhere specified or included
- Polycarbonates
- Wet blue chrome tanned leather, crust leather, finished leather of all kinds, including their splits and slides
- Synthetic Cut and Polished Stones
- Specified auto parts like ignition wiring sets, safety glass, parts of signaling equipment, etc.
- Metal products like Screws, Nuts, etc.
- Plastic, for manufacture of charger or adapter.

Nagaland nung school lapoktsü atema SOPs latettsüogo

Kohima, February 1 (TYO): Nagaland sorkari class 6 nungi 12 tashi school lapoktsü atema tanü Standard Operating Procedures (SOPs) metetdaksüogo.

COVID-19 menatepba azüoktsü atema state sorkari teinyaktsütem latettsüogo aser Nagaland state ajungalen iba ya akangakanga benshitsü tetuyuba agütsüogo.

Nagaland sorkari February 8, 2021 nungi Nagaland nung class 6 ser tema class pur atema school lapoktsü temelaba agütsüogo, ta Directorate of School Education, Nagaland-i metetdaksü.

Kaketshirtem, tesayurtem aser sendaktepa alir ajak lendong nungi jenbua alitsü atema Nagaland chief secretary J. Alam-i Hombarnü SOP metetdaksü.

Standard Operating Procedures (SOPs):

- # Akokba tashi nisung o nisung tsüngda feet 6 tepila ayutsüla.
- # Ajaki face covers / masks enoktsü.
- # Mapang shia sapon agi second 40-60 tashi teka metsüksü. Second 20 tashi alcohol-based hand sanitizers amshitsü.
- # Aketdang/hajidang tissue/handkerchief/flexed elbow agi teni nembangtsü aser tissues timi endoktsüla. Ajaki pei sasa temang tendangtsü aser shirangba osang tekaratiba nung sangoktsütsü.
- # Metsü memetsüdoktsü.

Akokba tashi Aarogya Setu App amshitsü.
SCHOOLAJAK NUNG CLASS 6 NUNGI 12 TASHI TSÜNGLANGLENAGÜJA ALIBATEM INYAKTSÜ.

- # Kaketshirtem asoshi chairs, desks tsüngda feet 6 tepila ayutsü.
- # Class ajak atema school temi anogo lemsar routine yanglutsü.
- # School temi class nung kaketshirtem aser classroom asadangar routine yanglutsü.
- # Kaketshirtem Online / distance learning ajungshitsü.

SCHOOL MELAPOKDANG TEINYAKTSÜTEM:

- # Containment zones tema nung aliba school tem dang lapokdaksütsü.
- # Containment zones nung alir kaketshir, tesayur aser school nung mapa inyaker shinga school-i marudaksütsü. Kaketshir, tesayur aser school nung mapa inyaker shinga containment zones-i maotsü.
- # School lapokba mezüng anogo nung iGOT 'Basic awareness on COVID indang online modules training course agitsü. (https://diksha.gov.in/igot/explore-course/course/do313010389971255296164)
- # School nung face covers / masks visors, hand sanitizers peria ayutsüla aser ibaji school-i tesayurtem aser mapa inyaker nem agütsütsü.

Thermal guns, alcohol wipes mesüra 1% sodium hypochlorite solutions, disposable paper towels, soap aser COVID indang IEC materials peria ayutsüla.

Shirangertem dak oxygen saturation level tendangtsü atema Pulse oximeter ayutsüla.

Jana endokdak peria ayutsüla aser ibaji timi endoktsüla.

SCHOOL LAPOKBA SÜLEN:

- # Kishizüng nung hand hygiene (sanitizer dispenser / hand washing facilities) aser thermal screening ayutsüla. Entry aser exit atema kishi balala ayutsüla.
- # Shirangba yimya malirtem dang school telungi aidaksütsüla. Tesayur/kaketshir kar dak danga shirangba yimya lira, anasatiba health center-i yoktsüla.
- # COVID-19 indang posters / standees jangjangja ayutsüla.
- # Parking lots, corridors aser elevators nung nisung lokti madenshitsü atema mapa inyaksüla.
- # Tangartem school-i aruba kanga junga mittsüla aser noktangtsüla.
- # Chairs/desks nung feet 6 tepila yur amentsüla.
- # Tesayurtem aser kaketshirtemi masks teti enoktsüla.
- # Kaketshirtem tsüngda notebook, pens / pencil. eraser, water bottle amala melentepa mamshidaksütsü.

Aluyimertemi Feb 6 nü lungkak aittsü Twitter-i aluyimer pusemba account tem lapoktsür



Hombarnü New Delhi kübok Singhu Border nung aluyimertemi lungkak aitba tesem anasa police-i cement aser yin amshia lenmang noktanga atsü atsüdangba angur. (New Delhi, February 1)

New Delhi, February 1 (Agencies): 72 buba Republic Day nung linük yimtiba nung ozüng alema mapa inyakba sülen hopta ka shi lir külen aluyimer shilem kati ano February 6, 2021 nü linük ajungalen lungkak aittsü osang metetdaksüogo.

"February 6 nü linük ajungalen onoki lungkak aittsü. Onoki anüngdang 12:00 ako nungi nikongdang 3:00 ako tashi lenmangtem noktangtsü" ta Bhartiya Kisan Union (R) lennir Balbir Singh Rajewal-i ashi.

Farm laws asem meyipa agitsü takhangba akangshiba den külemi sorkari internet shibangtsüba, lenmang noktanga aser Hombarnü Union budget benokba anema aluyimertemi chakka jam alitsü ayongzüker.

Külen, Twitter-i hashtag #Modiplanningfarmergenocide amshia aluiyimer anema mapa inyakba osang prokshiba account tem shibangtsüba lapoktsüdar.


Tensa tamajungba mekümdaksütsü atema Centre-i

Twitter dang account 250 jungnüa shibangtsütsü ashi.

Ministry of Electronics and Information Technology (Meity)-i Information Technology Act nung Arla 69(A) nung ajemdaker Twitter account tem shibangja liasü.

Account shibangtsürtem rongnung Kisan Ekta Morcha, Caravan India, actor Sushant Singh, activist Hansraj Meena aser taoba Lok Sabha MP & CPI(M) lennir Mohammed Salim nunger dena lir.

Tanü Dikhu Bridge nungi Chingtok
lemjem tashi lenmang shibangtsü



Pei tanurtem tashidak wara
balala nungi kumzüksü mechi
Polio mozü agitsü atema
tanurtem anir aruba ngua pelar,
ta Dr. Suokhrie-i ashi. State nung
arishi küm 0-5 tsüngta tanur lakh

Iba sentong nung Managing Director NHAK Dr. Thorhüsie Katiry menden liasü, kong Deputy Commissioner, Kohima, Gregory Thejawalie aser NHAK nungi ketdangsürtem dena liasü.

Iba sentong nung Deputy Commissioner, Superintendent of Police aser Phomla Hoichen indang tiri jembli. Dr. Imnameren Phom DPO (CRCH/UIP) Longleng ajanga iba sentong indang tongmelang agi rateta ashi aser Dr. Obangjungla CMO, Longleng ajanga tarur pela agizükba o jembli lasi. Sentong tenzüka Pastor Gorkha Baptist Church ajanga sarasadem aser Dr. Philip Kent Dy. CMO Longleng ajanga tepela ankep o jembli sentong tembanga lasi.

Advisor Mmhonlumo Kikon-i January 31, 2021 nü Don Bosco Kohima indang hon jubileemung sentong lapoktsüngdang tangokba noksa ka yangi angur

"Asen lima nung asenoki
aginüba ama melenshidaksütsü
atema asenoki shilem agitsüla.

"Tanü iba sentong ya ajanga
küm tepiyong hon jubileemung

Maneni Vitsu Peter Yhome,
General Secretary Don Bosco
Kohima Jubilee Organizing
Committee ajanga tepela ankep
o jembia liasü. Advisor
Mmhonlumo Kikon-i January
31, 2021 nü Don Bosco Kohima
indang hon jubileemung sentong
lapoktsüngdang tangokba noksa
ka yangi angur

sangdong ka nung metetdaksü.
Maneni nüburtem danga
mapa inyakba tesem anasai oa
makazütsü metetdaksüogo.
Mapa tekeraba nung renemtsü,
yiru-yipongba, asü-ama aser
osettsüset raksaba nungi
kumzüktsü mechi iba
tenokdangba ya agütsür, anungji
nübur ajungai iba sangdong sülen
anidaksü ajungshir, ta sangdong
ajangasa ashi.

Pai VDB tem dang short
term goals atema aonsotsü lu
ayim tenzüksü, mid-term goals
atema kiset shiruru metsütsü
aser long term goals atema
süngjang-lijang tsünüa süngtong
atemtsü ajungshi, kechiaser
Pughoboto Sub-Division ya
state yimtiba anasa lir aser

Sentong nung VDBAP indang tatong tir, Bosukha Swu-i tarur pela agizükba o jembiaser VDBAP nung tongti zülur, Viyito Wotsa-i tepala ankep o jembiaser liasü.

Iba mapang Assam Rifles
 ajanga mozü balala den Walking
 Stick pongu, Hearing Aid pongu,
 Eye Glasses blind tejang ter lema
 agüjja liasü. Assam Rifles temi iba
 ama mapa tajung inyakba asoshi
 Old Chimekhuma yimtsüing nung
 aliba nüburtemi pelaba lemsaa liasi.



COME ONE, COME ALL



Do visit us at the

SPECIAL HANDLOOM EXPO

AT URBAN HAAT, DIMAPUR

From : 28/01/2021

Time : 10:00 a.m to 5:00 p.m

PARTICIPANTS FROM VARIOUS STATES OF INDIA.
A MEGA EVENT OF EXCLUSIVE RANGE OF HANDLOOM PRODUCTS,
DAY TO DAY UTILITIES & DECORATIVE ITEMS, INNOVATIVE &
WELL DESIGNED LADIES & GENTS WEAR, TRADITIONAL SHAWLS,
JACKETS, BED SHEETS, CUSHION COVER, CARPETS,
HANDICRAFT ITEMS, BASKETRY ETC.....

For Your Safety
Please Wear A Mask

Maintain
Social
Distancing

ENJOY THE HANDLOOM COLOURS OF INDIA

ORGANISED BY:
Nagaland Handloom & Handicrafts
Development Corporation LTD
(A Govt. of Nagaland Undertaking)
Dimapur : Nagaland




SPONSORED BY:
Office of the Development Commissioner
for Handlooms, Ministry of Textiles,
Govt. of India, New Delhi

Delhi University nung Bodo department tenzüksü atema akhanger

Kokrajhar, February 1 (Agencies): Delhi University nung Bodo Department tenzüksü atema All Bodo Students' Union (ABSU)-i takhangba agütsüogo.

Gohpur kübok Mungkhlong Fwthar, Borpukuri nung ABSU indang 53 buba annual conference nung delegate session mapang iba ya akhangtsü asoshi onük benoka liasü.

All Bodo Students' Union (ABSU) indang annual conference agiba mapang, delegate session nung, Assam nung rongsenkettsüng tajungba aser terenlok den socio-education atema onüktem benoka bangjemtep, ta ABSU speaker Phanin Boro-i metetdaksü.

Küm ka tsüngda BTR Accord dak sendakba MoS indang clause balala amenokba atema ABSU-i Ato Kilonser, Narendra Modi, Union home minister Amit Shah aser Assam chief minister Sarbananda Sonowal den finance minister Himanta Biswa Sarma nunger dang pelaba metetdaksü.

BTR Accord indang tanüngba clause tem mapang shitak nung amenoktsütsü asoshi ABSU-isa Centre aser state sorkar dang mepishiogo.

Bodo Kachari Welfare Autonomous Council atema interim body tenzüksütsü

asoshi Bodo students' union-i state sorkar dang mepishiogo.

BTR Accord indang tanga clause rongnung; BTR Accord indang MoS nung renema aliba ama, Karbi Anglong aser Dima Hasao nung alir Bodo nunger atema ST Hill status agütsütsü shia lir.

BTR nung village headmen aser Bodo tentettem ajanga agütsür aliba - Bodo aser tribal tem aliba yimtsüngtem bendenloksü.

Assam nung ali patta alemtsü asalentong tasen dak sendakba nung 5.3 BTR Accord indang MoS agi melaba ama Assam indang District balala densema Sonitpur aser Biswanath district nung alir Tribal nüburtem nem FRA Act, 2006 kübok land right agütsütsü.

Ano, Assam, India aser bendanglen indang tepuokdak nungi NDFB züngsem ajak chioktsü aser parnok anema benokba ken o agentsü atema BTR Accord nung shia lir, koba students' Union-i iba ya mapa küma inyakdaksüner.

BTR Accord indang MoS nung shia aliba ama, Assembly election magidang ABSU-i BTR aser Assam kübok school aser college tem sorkar meyong k ü m d a k t s ü n e r / achaayangdaksüner (provincialise).

Tang nungi tenzüka LP, UP aser High School nung vacancy

alibatem tazüngla meyutsüi temsüa alirtem mapai anioktsü aser college den university balala nung Bodo Department nung post tasen adokdaksütsü atema ABSU-i mepishir.

Bodo medium school tem nung ABSU-i TET-qualified teayurtem shima inyakdaksüner. Iba den külemi students' union-i NEP kübok Bodo medium LP, ME & High school timba lapokdaksüner, kong Bodo medium education ya nüngdakba ka lir.

Union-isa, public-private partnership (PPP) mode nung skill training & employment generation aser competitive exam coaching centre atema Bodoland skill mission kübok Assam indang BTR, BKWAC tesem balala nung Bodoland skill centre amenoktsü asoshi mepishir.

Bodo medium education aser jenjang aketba Education indang onüktem nung olemteptsü aser angatetsü atema Bodo Teachers National Meet ayongzüksü asoshi ABSU-i bangjemtep.

Bodo nunger dak sendakba onük balala nung olemtepa aser bangzüng renemtsü; aser sorkar dangi tebilemtem benoktsü asoshi students' union-i küm nung Bodo Students Parliament anaben tashi ayongtsü tebilemba lir, ta ABSU speaker Phanin Boro-i shisem.

Police-i sen Rs 1.2 crore alangba ganja apu



Agartala, February 1 (Agencies): Tripura nung police-i ganja (cannabis) seret 1200 apu. Ganjaji oil tanker ka nung bena liasü.

Hombar anüngdang Assam-Tripura arrtsülen Tripura police-i ganjaji apu.

"Tripura nungi oil tanker ka nung ganja bener aoer ta onoki osang angazük. Iba jagi Churaibari nung police telok ka

lenmang mendanger ata aser oil tanker mita reprangdang ganja packet 60 nung bena aliba angu" ta North District SP - Bhanupada Chakraborty-i ashi.

Packet shia indang touzükji seret 20 liasü aser ajakji meyokteper ganja seret 1200 apu, ta Bhanupada-isa ashi.

Ganja seret kaji black market nung Rs 10,000 shi kati ayoker.

"Police-i apuba ganjaji Rs 1 crore 20 lakhs shi jenjang liasü" ta police-isa ashi.

Oil tanker ji Tripura nungi Bihar-i aoerba liasü. Iba dak sendakba nung police-i nisung ana pungo.

Kokrajhar Police-i nashi 38 bena aliba truck ka apu



Kokrajhar, February 1 (Agencies): Deobarnü Srirampur check gate nung ozüing alema container truck ka nung nashi belenba maparen Kokrajhar Police-i apu.

Osang tejangja ka angazükba nung ajemdaker Kokrajhar Police-i iba check gate nung mita ata.

Nashi bena aliba truck (WB91-3014) ji Kokrajhar Police-i apu aser police-i iba truck nung nashi 38 tashi bener aliba ngutet.

Iba maparen dak sendakba nung Kokrajhar Police-i nisung pungo puogo. Police-i apurtemji Uttar Pradesh, Bihar aser West Bengal nungertem lir.

Pua alirtem ya Uttar Pradesh

nung Aurangabad village nungi Anwar Khan'er jabaso Aleem Khan aser West Bengal nung Uttar Deshnapur nungi Khuda Baksh'er jabaso Sadek Ali ta jangjaogo.

Tanüngba asem ya Kishanganj, Bihar nungi Tashleem Uddin'er jabaso Kaleem Uddin, Katihar, Bihar nungi Sankar Yadav'er jabaso Haril Yadav aser West Bengal kübok Dewna, Golpukur nungi Mokbul Hussain'er jabaso Turab Ali nunger lir.

"Pua alir pungoprongla yagi container truck ka nung ozüing alema nashi bena liasü. Parnok nem tapet temerenshi agütsütsü atema tim maparen inyak tenzükogo," ta police-i ashi.



Manipur kübok Ukhrul district nung Hombarnepe gari lendong ka atalokdang tetsür ana asü aser pungu yiru. Tanep 9:00 ako meta Halang aser Talui lenjem nung passenger gari tsükok. Gari nungji nisung 6 den driver mena liasü aser brake majungba ajanga lendongji atalok ta osang angazüker. (Imphal, February 1)

Meghalaya sorkari aonung curfew anogo 7 atsülangtsür

Shillong, February 1 (Agencies): Hombar nungi tenzüka taruba anogo tenet tashi East Khasi Hills district kübok tesemtem aser Shillong nung aonung curfew

atsülangtsü asoshi Meghalaya sorkari telemteba agiogo.

East Khasi Hills indang District Magistrate (DM) Isawanda Laloo-i ashiba agi, anogo tenet curfew ya aonung 11:00 ako nungi tenzüka ghonda pungo alitsü.

Covid-19 wara prokba nokdangtsü atema iba District nung sorkari aonung curfew alitsü asoshi tetuyuba agütsü.

Meghalaya nung Covid-19 tensa asadanga aser nüburtem tsüngda iba tashidak prokba/ menatepba azüoktsü aser

nokdangtsü asoshi aonung curfew alitsü asoshi State sorkari telemteba agi ta ketdangtsür kati ashi.

Iba curfew nung Health ketdangtsürtem, security personnel, ketdangtsürtem, nüngdakba mapa nung senzürtem, media aser nüngdakba osettsüset abenba garitem madentsü.

Meghalaya nung iba wara adoker külen nungi, nisung 13,761 dak Covid-19 tejangja putetogo, kasa mapang nisung 146 tashi iba tashidak mekotteti süogo. Deobarnü, State nung iba tashidak agi shiranger nisung 74 liasü, ano külen nisung 13,541 shi iba tashidak nungi taneptsü nguogo.



TIR YIMYIM

YIMOBILEM (EDITORIAL)

DIMAPUR SANGTENNÜ, TSÜKLAI (FEBRUARY) 02, 2021

TOTZÜ JENJANG TIMBA AKÜMTSÜ

- P Tiamongba Aier

Hombarnü Finance Minister Nirmala Sitharaman-i Parliament nung financial year 2021-22 atema Union Budget benokogo. Yashi sayaba budget nung totzü nung agricultural cess agitsü atema onük ka benoksema lir aser iba ajanga totzü jenjang talila akümtsü. February 1, 2021 nü benokba budget nung Centre sorkari farm cess agitsü shiogo aser iba ya petrol litre ka nung Rs 2.5 shi adoker. Iba ajanga kechisarena ajak nung jenjang atutsü aser nübortemi iba khuretji abentsü. Anungji, kokra totzü nung agricultural cess agitsüba onük yabo agien tajungba. Asenoki jungjunga meyipa reprangdangra, küm ana ser tesadang tejaklen alima nung crude oil jenjang barrel ka nung US dollars 75 liasü aser iba mapang India nung petrol litre nung Rs 75 agi ayok. Tanü crude oil jenjang barrel ka nung US dollars 52 agi ayoker saka kasa mapang petrol litre nung Rs 86 kümogo. Linük nung nübortem rongsenkettsüng tsütsü timtem kanga ajuruba mapang ka nung ano sorkar senpongi sen talila aittsü atema bilema totzü nung tax talila agia jenjang atutsü lemtetba yabo tim masü. Tanü petrol jenjang nungi 67% aser diesel jenjang nungi 61% shi ka sorkar senpongi tax ama aoer. Tesüiba küm pungu tsüngda Centre sorkari crude oil jenjang ajema kümaka tax talila agiba manener aser ano petrol o diesel jenjang tsüngda tepila balaka mali kümdaktsüogo. Crude oil jenjang ajema akümba tajangzükji sorkari consumers nem agütsü süra, US dollar 1 ajemba shia totzü litre nung poisa 50 shi ajema kümla aser yaküm crude oil barrel ka nung US dollar 25 agi ayokdang tu India nung petrol litre ka nung Rs 50 agi yokla, saka jenjang tupet tuogo. Hao, alima ajungalen COVID-19 wara ajanga rongsenkettsüng tsütsü timtem tulu bentsür aruogo aser India nunga iba timtem nungi shia arutsü atema inyakba mapang ka nung Centre-i Union Budget benokogo. Ajisüaka, linük nung COVID-19 wara ajanga nisung aika mapa inyakdak mali kümdaktsüogo aser shishilembabaren aika shibangtsüsa tia ajurua lir, anungji sorkari item khuretem angateta, pei sensotem atema aria bilemja totzü jenjang yabo talila mekümdaktsütsü merangtsüla. Sorkari iba tensa tamajungba mekümdaktsütsü atema joko tax talila matutsüla. India nung ita aika rongsenkettsüng jenjang kanga mejungi akümba sülen, tang tanemtanemi shia aruba mapang ka lir. Anungji totzü nung tax talila agira, kechisarena ajak nung jenjang talika akümtsü ta asüba angateta, aser ano linük asoshi khuret tuluba bentsür marutsü atema Parliament nung Opposition-ia ola adoktsüla aser Centre sorkaria iba olaji angaa telemtetba tajung agitsüla. Hao, Centre mesüra state sorkar senpongi sen maitra maparen aika meinyaktetsü aser terenlok malitsü, anungji sen angutsü lenmangjia bushitsüla, saka sen angutsü dang bilema talitapong tax agira, sorkar senpongibo sen aittsü saka linükbo sensakba akümtsü.

OLEMSABANG

SOBALIBAI KHRISTAN TAMANG AKANGSHIDAKTSÜBA

~ Wati Longchar (Serampore)

(Yashi adok nungi...)

Anungji `balala' ta asübaji koda temoatsü. Khristan tamang akangshidaktsütsü? asoshi sobaliba `balala' bushitettsü aser aji amshia laiputi ratettsüla. Tongmelang agi tanü putu koba temesüng nunger sobaliba amokbangba ta ashitsü akok aser tetsü-tobu putu tangatetba koba temenen amai bilem yamai koda balala aser temesüktep lir aji kar sayur:

	Tanü Putu Tangatetba	Tetsü-tobu Putu Tangatetba
Ali (land)	Jenang tulu aketba – alitsü, ayoktsü akok.	Ali shishilemba masür. Ali-bo taküm, teyazü mejember, taküm ajak mesür.
Tzü	Tajemtsü, shidok-shira aser ayoktsü oset ka.	Taküm ajak lidaktsütsü Tsüngremi tzü moatsü. Tzü koda sür ayoktsü!
Arem	Lepteta moapu kümdaktsütsüla. Arem shiruru aser yangji alibatemi mapayui achitsüla aser agitsüla.	Taküm shiruru, tanela balala, aonglemlatsü alidak. Meimchir asoshi chiyungtsü, kisütsü süng long ajak angudak. Wazüka ayutsüla.
Lung	Ki yanglutsü senti oset ka.	Tsüngrem tanela lung nung alir. Tenla-tempong walokja külem.
Tsüngrem	Chuba, kibur, tekümsüker, anüng-ali teyanglur, ajak azüoka yutetba, temeim, ochi Tsüngrem. Temalen (anüng) alir.	Anüng-ali yanglusang, ajak taküm lidaktsütsü, temeim aser taochi agi sünga aliba Tsüngrem. Alima nung alir.
Ochi O	Laishiba ya Tsüngrem O; Tejen Lai nung kaket 39 aser Tasen Lai nung kaket 27, ajak agi 66 ya Tsüngrem O ta agizüker. Laishiba dak alaka Ochi o mali.	Laishiba mali, saka tebang agi shia aruba, tar nunger otsü, shin o, ken, yar-tsüngsang aser takzü-takpong balala dak ochi lir ta amanga aru.
Tekülem ki	Tenlaki tajung yanglua aser yangji yimkong mapang tatakzük ka nung tekülem agir. Pastorji tekülem lenir aser arogo nung telolak.	Tenlaki mali, süng-lung, awatsüng, alu, ayong balala nung külem. Putir, kidong nung tambuti, tantsüla tekülem ani.
Tamangba teyongtsü	Tamangba yimsü ajak Tsüngrem shiba meimchir ajanga jungkai adok pa/laji tamangba teyongtsü, tat. agi., Khristan yimsü nung Yisu Khrista, Islam nung Muhamad, Buddhism nung Budha.	Tamang yimsü tenzüker historical person ka mali. Tamangba ajak tsüngküm melentepba isab nung aor. Amung-tsümong ajak ali aser alu mapa dak sentaktepa lir.
Tanela	Tanela tenük agi mangur, saka tanela ajanga meimchir taküm lidaktsür. Tanelai temulungjang ajungmesor aser melenshidaktsür. Tanela ya Tsüngrem asem rongnung ka.	Meimchir aser shiruru ajak dak tanela kar. Ano tanela ya süng, lung ayong, awatsüng nunga alir. Tanelaji masür.
Meimchir aser Teyanglubatem	Meimchir ajak dang temaba; meimchir dak dang tajung-majung radanga metettsü tekolak lir; meimchiri dang shitak-meshitak tebandang metet. Tanga teyangluba meimchir nungdak asoshi yanglu aser koba jenjang tuluba, koba tilaba meimchiri lemdangtsür. Teyangluba taküm ajak azüoka ayutsü meimchir nem tashi agütsü.	Meimchir teyangluba ajak madak temaba aser parnok sobaliba agi azüoka ayur, saka shiruru dak ibaji mali. Shirurui tsüngküm-mongpu balala melenshiba sayur; kechi inyak nung yiru-yipong asütsü-masü shirurui asaba, senzüba ajanga meteter. Teyangluba balala den takzü-takponga ali.
Yar-tsüngsang	Longso-lungpen, tajangzük angutsü aser tangar peladaktsütsü asoshi.	Moatsü, tsüngremong aser benjung-bentsü nung dang tsüngsang. Arrür kolak bener arudang tsüngsang; takok aser tetushi agüja tsüngsang.
Aben-süoshi	Temang lemdaktsütsü, tebor junga, mera ket reprangdaktsütsü aser	Temang lemdaktsütsü, saka kin-kidong sü balala liasü. Mongsen,
	fashion balala yanglua ayoktsü asoshi. Anogo shia süoshi melentepa asemer. Süoshi jagi takar-makar tebandang sayur.	Chungli süoshi balala, Jamir, Longkumer, Longchar, Walling ta süoshi balala liasü. Tsüngko sü mashii mabendaktsü aser shishilemba masü. Taküm piyong bentsü süoshi lateta lir. Süoshi kidong, kin tebandang sayur.

(Maneni asung adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Bible Museum nung science aser Laishiba tesendaktep sayatsü



Washington D.C. nung aliba Museum of the Bible noksa nung angur.

Washington D.C, February 01, (Agencies): Washington D.C nung aliba Museum of the Bible-i küm piyong akhidang nungi science aser Laishiba na tsüingda tesendaktep aliba indang sayatsü, ta sangdongogo.

John Templeton Foundation aser Templeton Religion Trust nungi senotsü teyari million aika anguba ajanga scientific bushisüingdang aser Lai O teratet nung o entepba indang sayatsü.

Museum nung exhibition ji ajanga alima nung kanga tongtibang tasüingdangba trok atema telangzüba bushir. Item tasüingdangbatemji- alima koma ser tenzük? anüing aser alima koma aoer? asenok ya shiruru dang nungi balaka asü? asenok ya kechi agi yanglu? asenok koleni aoer? asenok kija asü tanga limatem nunga taküm lir?

Interview ka nung jembidang Museum of the Bible nung Chief Executive Officer, Ken McKenzie-i, "Anüdoklen civilization shilem tuluka Laishiba den sendaktep lir aser Laishiba o science naji balala," ta metetdaksü.

"Scientific nisung karibo Laishiba züingdangba sülen yamai ashir, 'tamangertemi science-i Laishiba den tokteper ama onokibo bilemer', anungji ibajibo anema inyakba lir. Laishiba aser science naprongla loktilba nung tashi lir aser lenla aika nung Laishiba o science naji balala masü," ta paissa metetdaksü.

Iba museum nungsa akhi osettsüsettem sayatsü aser item oset rongnung tanga linüktem nungi bener aruba osettema aika densema lir.

Alima tenzükba aser meimchir taküm tenzükba onük nung akhidang nungi o kanga toktepa arur, anungji Tsüingremi nisung yangluba mesüra pasasa taküm poktetba onüktem-a iba exhibit ajanga ayimjemtsü. Talisa alima nung nisungtem melungjang nung shisadangba tongtibang tasüingdangba 6 nungji ranglochtsü.

Iba exhibit nung akhidang bushitetba Newton's laws of motion aser Darwin's theory of natural selection aser taküm den anema-alibaren onüktema sayatsü.

"Onoki amanger, iba exhibit ajanga nai party ana (science mesüra Laishiba) nungjagi ka shimsü atema ano nü melungjang nung tasüingdangba aika akümstsü," ta McKenzie-i ashi.

Iba museum ketdangsertemi scientist aser shisashir 13-i akümba International advisory panel den inyaker. Advisory panel nungjisa astronomers, biologists aser geologist densema lir.

UP nung Hindu yimsü alia amangertemi Khristantem dak azük

February 01, 2021: India kübok Uttar Pradesh state nung Khristantem tekülem sentong tagidak mapang nung Hindu yimsü alia amanger telok ka arua timtem agütsü; iba tatalokba nung Khristan aika yirua liasü.

Hindu nunger jagisa state nung anti-conversion özüng tasenba kübok Khristan aika nem tai tonglochtsü, ta International Christian Concern osang ajanga metetdaksü.

January 3, 2021 nü (Amongnü) Hindu nunger 15-20 shii Shahjahanpur District nung aliba Heavenly Gospel Mission Arogo Tenla ki amakdang Khristan aika yirutsü; parnoki süng amshia tetsür tanur dak dena azük.

Osangbener den jembidang pastor H.S David-i, "Parnoki onok pongu kilung nungi atsüzükba sülen onok dak azük. Parnoki onok ali nung mendaktsür süng agi tetsüing nung azük," ta metetdaksü. Parnoki onok dak azükba mapang nung onok dang Yisu atala-ang ta ashi, ta pastor-i metetdaksü.

"Onok dak kanga mejungi azük saka azükba manenba agi onoki parnoki tuyuba ama inyaksüsa aküm- onoki Kibur Yisu Khrista atala. Iba sülen

parnoki tanur aser tetsürtem dak-a azük," ta pastor-isa metetdaksü.

Khristan ka tenüing agi Neha-i, "Parnoki amakba mapang nung Tenla kidang kütsü küna den keno nunger tetsür pongu densema liasü. Kütsüi parnok den jembitsü merang saka parnoki kütsü ashiba mangai onok ajak dak azük. Parnoki tanurtem danga taochi mesayui azük," ta metetdaksü.

Iba sülen Hindu nunger jagi Khristan pezü den Hindu nunger Tenla ki hall kibur police station-i anir aoba sülen Khristantem yagi state nung anti-conversion özüng tasenba anema inyaker, ta tai tonglochtsü.

Pastor David-i, "Onok sensakertem lir aser sensakertem kiyong nung alir, anungji komaser onoki sen agi tangar mesüzüka tamangba yimsü meyipdaksütetstsü. Onok taküm alitsü atema Tsüingrem dak dang imlar, ajisüaka parnoki yazü nung onok nem tai tonglochtsü," ta ashi.

India kübok state aika nung Hindu yimsü alia amangertemi Khristantem anema inyaksü atema anti-conversion özüngtem ya hadir ka ama amshir.

ANO GO ABEN TSÜNGREM DEN

Angutsü tenük, angashitsü tenarong Matt.13:16

Kodang na Khrista ka akümer Tsüingremi pa atenba motettsü aser na meketa atalokba motettsü asoshi tanela tenük aser tanela tenarong agütsür. Na pa den jaja dang tanela temetetba renloktsü asoshi tanela temeshi na yarir. Tanelaren temetetbaji Tsüingrem sempet lir aji nai agizüktsüla aser amshitsüla. Shirnok tanelaren tasü lir parnoki angutsü makok mesüra angatettsü makok ta Laishibai sayur. (matt 13:14-15). Tanelaren tenük makai, na Tsüingremi mapa tulu inyakba rong nung alitsü akok aser ibaji mangatettsü.

Meimchir tsütsü nungi reprangba aser tanelaren nungi reprangba aser tanelaren nungi anguba tak üm nung tepela lir. Mamangertemi parnok meketa alima nung tatalokba tem angutsü aser ratamatatsü. Nai kasa tatalokba nungji reprangtsü, Tsüingrem mapa angatettsü, aser ne taküm Tsüingrem den puteptsü. Kodang Tsüingrem bushiba nübu ka ajurura, nai tanela temeshi ajungshiba mapaji angatettsü aser ne taküm Tsüingrem mapa den putepa melenshitsü. (Rom 3:11). kari tanela tangatetba makai kasa nübuji ajurutsü aser ibata taküm nung kechi ataloker aji mangatettsü. Kari philosophy tasen lokti nung angashitsü aser ochibaji koda angatettsü memetettsü, aaser tepenja lia rongrong nai angashiba ayutsü.

Temeneni ne tangatetba shimaka kümdaktsür, tatemsa tanelaren tenük pokdaktsür aser tenarong tajak kümdaktsür. Tsüingremi kechi inyaker mangateti shi temang tenük agi anguba aser yimya tenarongi angashiba nung temulung lema teli. Tanela temeshi ajanga ne temeket nung kechi ataloker aji metettsü Tsüingrem dang asüingdangang.

Indonesia linük nung Coronavirus tashidak agi putir asem asü

February 01, 2021: Indonesia nung tesüiba anogo pezü tsüingda Sword Divine Word (SVD) nungi putir asem Covid-19 tashidak agi süogo aser tongti putir kar den nun aika iba tashidak agi shirangdar, ta osang ka ajanga metetdaksü.

Putir Jusuf Halim (arrshi küm 65) January 29 nü Tangerang suburb, Jakarta nung aliba hospital ka nung süogo, ta Java nung SVD provincial nungi putir Gregorius Genane Kaha-i metetdaksü.

Kaha-i sangdong ka ajanga, "Missionary ka asüba atema onoki mangyimer, talisa Arogo kibongi mangyimer," ta metetdaksü.

Ano külen taoba mapang Chile nung missionary inyaka alisang putir, Aloysius Supriyadi (46)-a January 30, 2021 nü Denpasar, Bali nung coronavirus tashidak agi süogo, ta Denpasar Holy Spirit Cathedral Arogo nung putir, Herman Yosep Babey-i metetdaksü.

Ano Flores, East Nusa Tenggara province nunga Ruteng nung taoba mapang SVD provincial, Servulus Isaak coronavirus tashidak agi



Sacred Heart Arogo nung putir, Petrus Canisius Mandagi noksa nung angur.

February 1 nü süogo.

Tang teinyakdak provincial, Paulus Tolo-i, putir Isaak January 18 nungi hospital nung monga liasü, ta metetdaksü.

Isaak ya taoba mapang Ledalero Catholic School of Philosophy, Maumere nung Bible Lecturer aser Ruteng nung aliba St. Paul College of Teaching & Education nunga principal inyakago. Tangbo iba St. Paul college ya Indonesia Catholic University of St. Paul kümogo.

Ano Sacred Heart Arogo

nung putir, Petrus Canisius Mandagi dak-a January 29 nü coronavirus tashidak putetogo.

Tang pa Ambon nung aliba hospital ka nung mongdar; kasa hospital nungjisa Arogo secretary, Ino Mutra-a coronavirus tashidak agi shiranga mongdar.

Capuchin nung tongti putir, Kornelius Sipayung (Medan, North Sumatra) dak tesüiba küm July ita nung coronavirus tashidak puteta liasü aser Surabaya, East Java nung putir, Vincentius Sutikno Wijaksono dak-a taoba ita iba tashidak putet.

Yaküm October ita nung Sibolga nung Apostolic administrator, Anicetus Sinaga dak coronavirus tashidak putetba sülen November ita nung süogo.

Yogyakarta Special Region kübok Sleman nung aliba St. Anna Monastery nunga Sisters of Charity nungi nun 28 dak coronavirus putetogo.

Indonesia nung tang tashi nung nisung million 1.07 dak coronavirus putetogo aser tang iba linük nung anogo shia nisung 12,000 dak iba tashidak puteter.

OLONG PAITEP # 5712

1		2				3		4		5
				6						
	7		8							
9					10			11	12	
			13			14	15			
16					17			18		
				19		20				
21		22								23
24										
							25			

TIPIEN

1. Saku
6. Songjen
7. Mali/Tazung
9. Tasen apok
11. Songtem
13. Ata liasü
16. Tzünglu den külemi tsüker
17. Aso tila
20. Tashi maküm
24. Tenüng kasa jatepba
25. Ki yangluba oset

LANGTSÜNGLEN

1. Taksep
2. Langtem
3. O tamendaktak
4. Nütsü tebuba
5. Anügdang tesangwa
6. Apitet
7. Yagi jungdaksür
8. Anogo semer ka
10. tatsü
12. Tebür kidong aser zünga
14. Pela agizükba tapu ka
15. Tenüng atet
18. Mejanga onü
19. Talak techira
21. Maneni
22. Nübo teyi
23. Meshi

OLONG PAITEP # 5711 TELANGZÜBA

TIPIEN :

2. Anükalem, 4. Mesak, 5. Apet,
9. Meimtep, 11. Posü, 12. Patak,
13. Tekettsü.

LANGTSÜNGLEN :

1. Kündang, 2. Ayak, 3. Leptep,
6. Sati, 7. Yiar, 8. Sangküm, 9. Metsük,
10. Mazü.

Agüja aliba noksa nung meputepi aliba bushiang



TANÜBO NAI LANGZÜANG

Q. Tentet koba nem Raksha Mantri Padak award agütsü?

- A. NCC Cadets B. NSS Volunteer
C. YRC Volunteer D. None of the above

===== (Taruba adok nung onoki langzüksü)

YASHI ADOK TELANGZÜBA : Government Fund



Tanur asoba anogo nung salem osang den noksa angati adokdaksünura - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimiyim@gmail.com nung yokang mesüra Tir Yimiyim bureau tem nung agüjang.

1. Tenüng :
2. Tasoba anogo:
3. Küm : 4. Class :
5. School :
6. Talidak :
7. Salem osang :

Tepela Tasoba Anogo



NAI-A YA METETTER MA?

ALIMA NUNG JENJANG TULU AKETBA TECH COMPANY TEM: 2021

Apple (AAPL)	- Market value: Around \$2 trillion
Amazon.com (AMZN)	- Market value: \$1.6 trillion
Microsoft Corp. (MSFT)	- Market value: \$1.6 trillion
Alphabet (GOOG, GOOGL)	- Market value: \$1.05 trillion
Facebook (FB)	- Market value: \$760 billion
Alibaba Group Holding (BABA)	- Market value: \$730 billion
Tencent Holdings (TCEHY)	- Market value: \$650 billion
Taiwan Semiconductor Manufacturing Co. (TSM)	- Market value: \$393 billion
Samsung Electronics (SSNLF)	- Market value: \$339 billion
Nvidia Corp. (ticker: NVDA)	- Market value: \$310 billion

SUDOKU # 5753

2	7			4	1			8	8	9	5	2	4	6	7	1	3
		8	3		5		1		1	2	3	9	8	7	6	4	5
		3		2		7	4		4	7	6	5	3	1	2	8	9
6	3		8			5	7		7	8	9	1	2	3	5	6	4
9			1			6			3	4	2	8	6	5	1	9	7
1	2			3		8		4	6	5	1	7	9	4	8	3	2
7		1		8	3		6		5	3	4	6	1	2	9	7	8
8		9		6	7	1		2	9	1	7	3	5	8	4	2	6
3						4	8		2	6	8	4	7	9	3	5	1

TELANGZÜBA # 5752

OJANG LUTEP # 5300

EPI	:	
TETBMEABO	:	
HAKEC	:	
KAMA	:	
RNUNSEG	:	
ARTANG	:	
SHIMAMALU	:	
ETSHTELATIA	:	
BIAJEM	:	
ZÜRSEN	:	

OJANG LUTEP TELANGZÜBA # 5299

MEDEMER ASER TSÜKCHIR MEMETET JASHIDANG
AJAK DEN TSÜKCHITEP MENAA SENZÜ

TAN HOPTA ATEMA - KOMA SÜLA ?

Q. Nagaland nung COVID-19 vaccine ya taginür ajak nem angati agütsü nunga koma süla ?

Olong 20 shi nung February 05, 2021 tashi nung iba telangzuba ya onok dangi (e-mail - tiryimiyim@gmail.com) :
(SMS - 9856121232 / 9436072422) : (WhatsApp - 7005723372 / 8729995804) : (tiryimiyim.in) ajanga yokang. Telangzubatemi taruba Honibarnü adoktsütsü.



February 1, 2021 nü New Delhi nung longkak aiter aluyimertem Tikri arrtsü nung nokdangtsü atema Police-i atsü nung kojat inokba noksa nung angur.

Vaccine atema sen cr. 35,000 lemozüksüba agi wara anentsü: Harsh Vardhan

New Delhi, February 01 (Agencies): Hombarnü Parliament nung Union Budget benokba mapang coronavirus vaccine atema sen crore 35,000 lemozüksüba atema Union health minister, Harsh Vardhan-i 2021-2022 budget tenüngsanga jembi.

Vardhan-i, vaccine atema sen crore 35 lemozüksüba ajanga iba wara anenba atema inyakba nung yaritsü aser linük rongsenkettsüing shia aruba nung yaritsü, ta metetdaksü.

Ato kilonser, Narendra Modi dak mangdang tajung aliba aser Union finance minister Nirmala Sitharaman shisa akaba agi senso ajaki anema alibaren services angutsü, ta minister-isa ashi.

"Health atema shilem 137 agi timba, sen crore 2,23,846 lemozüksüogo," ta pai ashi.

Hombarnü sorkari Union Budget 2021-2022 nung Health atema sen crore 2,23,846

lemozüksütsü benokogo. Iba ya taoba küm dang nungi shilem 137 agi timba lir. Iba nungjagi coronavirus vaccine atema sen crore 35,000 lemozüksü.

Union Budget nung ministry of health & family welfare nem sen crore 71,268.77 lemozüksü; taoba küm nunga sen crore 65,011.8 lemozüksüba liasü. Iba dak alia 2021-22 budget nung department of health research atema sen crore 2,663.00 lemozüksü.

Ministry of Ayush nem-a sen crore 2,970.30 lemozüksü; taoba küm nunga iba ministry atema sen crore 2,122.08 lemozüksüba liasü.

"Covid vaccine atema sen crore 35,000 lemozüksüba ajanga iba wara anentsü atema inyakba nung yaritsü aser rongsenkettsüing asentenshiba nunga yaritsü," ta Vardhan-i ashi.

Finance minister-isa, central scheme tasenba- Prime

Minister Atmanirbhar Swasth Bharat Yojana tenzüksü aser küm trok nung sen crore 64,180 indoktsü, ta sangdong.

Vardhan-i ashiba agi, PM Aatmanirbhar Swasth Yojana ya "Self-reliant healthy India scheme" ka lir aser iba scheme kübok critical care hospital blocks amenoktsü aser district ajak nung Integrated public health labs amenokba den HWCs tashi itshtitsü.

Iba scheme kübok rural health centre 17,788 aser urban health centre den wellness centre 11,024 yaritsü, district ajak nung integrated public health labs amenoktsü aser state 11 nung block public health units 3382 amenoktsü, district 602 aser central institution 12 nung critical care hospital blocks amenoktsü, national centre for disease control (NCDC) tashi itshtitsü aser regional branch 5 den metropolitan health surveillance units 20 yaritsü.

Myanmar tensa atema India linüki tebilemtsü akar: MEA

New Delhi, February 01 (Agencies): Myanmar nung tang tatalokba atema India-i tebilemtsü akar, ta shia MEA-i Myanmar nung democratic inyakba nung yaritsü ayongzük.

Hombarnü India Ministry of External Affairs (MEA)-i sangdong ka ajanga, "Myanmar nung tang tatalokbatem atema onoki tebilemtsü akar. India-i Myanmar nung democratic

inyakyim benshtitsü ajungshir. Linük nung temzüng ozüing benshtitsüla aser democratic inyakba nung yaritsü. Onoki iba tensa mita reprangdar," ta metetdaksü.

Hombarnü India kidanger linük, Myanmar nung mitkartemi tashi ambangyima amshia Myanmar lenir, Aung San Suu Kyi apuba sülen state of emergency sangdonga küm

ka piyong mitkartemi yimsütsü sangdongogo.

Hombarnep züingia Suu Kyi aser Tir, Win Myint na linük yimtiba, Naypyidaw nung puogo, ta NLD otongdar, Myo Nyunt-i osangbener nem metetdaksü.

Election agiba sülen tang mezüing Parliament amentsü ghonda ishika dang lia mitkartemi Suu Kyi aser Tir, Win Myint na apu.

Union Budget ya aluyimertem aser nüburtem anema lir: Mamata

Kolkata, February 01 (Agencies): Hombarnü West Bengal Chief Minister, Mamata Banerjee-i Union Budget 2021 aija, iba ya aluyimertem anemba, nüburtem anemba aser linük anemba budget lir, ta metetdaksü.

Osangbener den jembidang lai, "Iba ya kechi budget?... budget taila. Aluyimertem anemba, nübur anemba aser linük anemba budget lir," ta ashi.

Trinamool Congress tongti, Mamata Banerjee-isa, "Parnoki (Centre) petrol aser diesel totzü jenjang kanga tuogo. Centre sorkari saru ajak agir aser state sorkari kecha mangur. Petrol aser diesel jenjang kanga atuba agi aluyimertem kongshitsü. Parnoki totzü jenjang maneni atur. Parnoki nenok nem sen lakh 15 agütsütsü nangzük, saka nenok nem kecha magütsü," ta ashi.

Centre sorkar maneni aija lai, "BSNL, Rail, Air India aser PSUs nija nem agütsüogo. Mapa security mali. State sorkar mapatambo ajak security lir. Ni West Bengal Finance Minister Amit Mitra dang, budget ya koma? ta asüingdanga liasü? pai 'iba budget ya nüburtem ashiochtsütsü atema tema nungdang junga sayuba budget lir' ta langzü," ta metetdaksü.

Bharatiya Janata Party (BJP) aija lai, "BJP-i nisung kar nem dang business agütsü. Election matongdang parnoki süngo-lu tenet tanaben lapoktsütsü ta nangzuka liasü, parnoki yamaji inyaker ma? Parnoki yazü dang nangzük. Nenoki (BJP) yazü dang proker," ta ashi.

"Onoki North Bengal nung gari lenmangtem yangluogo. Onoki kidanger linüktem den tesendaktep lenmang Asian Highway yangluba nung teyari agütsü. Kolkata-Siliguri lenmang agi kechi asütsü? Nenoki Assam nung airport asentenshtitsüogo, süra kechiba Coochbehar airport atemabo meinyaker? Nenoki meinyaktsüra ni inyaktsü," ta lai ashi.

Aluyimba dak sendakba ozüing asem anema aluyimertemi longkak aitba onük nung lai, "Election matongdang parnoki lenmang yanglutsüner. Iba senji aluyimertem nem dang agüjang aser aluyimba ozüingtemji agienang. Yimtsüngtem nung lenmang yanglutsütsü menüingdak, ni lenmangji yanglutsütsü," ta ashi.

West Bengal nung assembly election April-May ita nung agitsü lia Mamata Banerjee-i Union Budget aija jembi.



New Delhi, February 01, 2021: Hombarnü Parliament nung Union Budget benokba mapang Congress MPs tem Ravneet Singh Bittu aser Gurjeet Aujla nungeri aluyimba ozüingtem anema longkak aitba noksa nung angur.

Editors Guild Of India-i Mandeep Punia chiokang ta akhanger

New Delhi, February 01 (Agencies): Hombarnü Editors Guild Of India (EGI)-i sangdong ka ajanga, tangsa journalist Mandeep Punia chiokang, ta takhangba agütsüogo; Punia ya Honibarnü Delhi police-i Singhu arrtsülen pua liasü.

Freelance journalist aser Caravan magazine atema osangbener, Punia-i aluyimertem longkak aitba dak sendakba osang bendenba mapang nung Honibarnü Singhu arrtsülen aluyimertem longkak aitba tesem nung rara adoka liasü, iba mapang nungji pai police ka den rara ta tai tonglokja Delhi Police-i pa pua liasü.

Indian Penal Code kübok Arrla 186 (public servant ka

mapa inyakdang timtem agütsüba), 332 (public servant ka inyakim nung tetsükdaksü agütsüba) aser 353 (public servant ka mapa nokdangtsü atema tekang sangshiba) Arrlatem nung ajemdaker Punia anema police station nung ken o benokogo.

EGI-i sangdong ka ajanga, "Punia apuba ya, osang yazü kaktetsüba aser ochi osang prokba nokdangtsü atema inyakba mapa ka lir. EGI-i Mandeep Punia tangsa chiokang ta akhanger aser osangbenertemi sademsadema tetsüba kecha makai osang bendentsüsa Delhi police-i inyakang ta akhanger," ta metetdaksü.



Mumbai, February 01, 2021: Hombarnü CSMT ticket counters nung ticket alitsü atema nisungtem nokdaka aliba noksa nung angur. Coronavirus wara nokdangtsü atema ita 10 jungnua local train service anena liasü.

Myanmar mitkari yimten tashi rakzükogo; lenirtem pua lir

Naypyitaw, Tsüklai/February 01 (Agencies): Hombarnü Myanmar mitkartemi par tashi amshia Democracy yimya nung shimtetba Aung San Suu Kyi'er sorkar atsüngdokogo, shiba lar National League for Democracy (NLD) party nungi lenir dangatem den külemi anepbongi pua liasü.

Election nung ashikülak mapa inyakba mechi lenirtem ya apu aser mitkar tekolakba, Min Aung Hlaing nem tashi agütsüogo aser küm ka atema state of emergency benok, ta mitkartemi par meyong television station ka ajanga sangdong.

Suu Kyi'er party ajanga Facebook nung osang ka sangdongba nung mitkar tashi amshia sorkar atsüngdoktsü imlaba shia lir aser nüburtem dang mitkartemi tashi rakzükba anema longkak aittsüla, ta ashi.

Burma ta ajaba linük, Myanmar nung anüolen linük teyari nung küm aika democracy amenoktsü meranga aruba mapatem raksatsü, kong kidanger linük, China-i shilem tulu agir.

November 8 nü election agiba nung NLD ajanga takok tulu ngutetba sülen parliament mezüngbuba senden amentsü ghonda ishika lia sepai lenirtemi iba mera ya agi. November 8 general election ya Suu Kyi-i democracy yimya nung yimsü asütsü nangzükba nung nüburtemi busemba ka ama repranga liasü.

Linük yimtiba, Naypyitaw aser Yangon yimtitem nung

phone aser internet connection nung timtem ajuru aser NLD lenirtem apuba sülen state television shibangtsü.

Suu Kyu, Tir Win Myint aser NLD lenirtem anepbongi puogo, ta NLD odongtar Myo Nyunt-i osangbener dang phone ajanga ashi. Iba sülen osangbener temi pa den mejembitet.

MP kati Facebook nung video ka inoktsüba nung ano regional lawmaker Pa Pa Han apur amai nguogo.

Iba video nung la kinungbui kima kishi tezülen nokdaka aliba mitkartem dang mepishiba nguogo. Tanur ka pa teku nung azüiter jepa liasü.

Yangon nung mitkar aser riot police tem nokdaktepa alidak nüburtem chiyongtsü alitsü atema shishilempadak tesemi nungtepa ao aser sen agizüktsü atema ATM tem nung nokdaktepa liasü. Internet connection majungba ajanga bank tem khen atema shibang.

Election agiba sülen civilian sorkar aser mitkartem tsüngta tensa mejungi anogo ishika arur yimten yimsüsürtem ya apur.

2011 küm mitkar lenirtemi tashi lemsatepa yimsü asütsü molungteper election tanaben agiba nungya Suu Kyi'er teloki vote shilem 83 ngua liasü.

Mitkartemi iba ama mera ya agiba ajanga Myanmar tanaben nisung kati yimsü asüba küboki aitsü, ta Suu Kyi-i ashiba olen ka NLD Facebook page nung shia liasü.

Mitkar busemertemi sorkar atsüngdokba benjongtepa pickup truck tem nung mener

Yangon tesem ajungalen linük nisan aiptena senzüa liasü.

"Tanü ya nüburtem pelaba anogo lir," ta nationalist monk kati telok ka dang ashiba video ka Facebook nung inokja liasü.

Saka democracy activist aser NLD voter tem aoksa aser ain adoker.

"Asen linük ya ozü ka anüng nung yima senzütsü angazüker mesük liasü. Tangbo mitkartemi tashikang raksatsüogo," ta student activist Si Thu Tun-i ashi.

"NLD ya onoki shimtetba sorkar lir. Parnoki election result nung mepelara, parnoki ano election ka agishitsü akok. Mitkar tashi amshia sorkar atsüngdokba ya tim masü," ta nisung kati ashi.

Mitkar tekolakbai sorkar atsüngdokba yagi linük atema bilemba masü pa nükjidong ang sayur, ta NLD lenir Win Htein-i ashi.

United Nations-i anir Australia, Britain, European Union, India, Japan aser United States linük temi tashiyim amshiba aitsü aser pua alirtem chioka democracy tanaben benoktsü yimyim ayima liasü.

"Burma nung aliba nüburi democracy, nüji, yimjung aser terenlok aginüba tejangraba nung United States dena lir. Mitkartemi par inyakyim tekeratiba nung melenshitsüla," ta U.S. Secretary of State Antony Blinken-i sangdong ka nung ashi.

Yangon nung aliba US embassy ajanga US senso dang kumdanga alitsü metetdaksü.

Japan ya teyari agütsüba linük tongtipang ka lir aser Myanmar nung business balala amenoka lir, aser parnokia iba linük den defence tsütsü tesendaktep nung tashi itshiba indang tanaben bilemdangtsü, ta ashi.

Russia nung Navalny pusemertem 5,100 dak tema apu

Moscow, Tsüklai/February 1 (Agencies): Tir Vladimir Putin anema yimyim ayima Deobarnü Russia nung nisung meyirejang aikati tepuokdak yua aliba opposition lenir Alexei Navalny chioktsü khanga longkak aitogo.

Police temi nisung 5,100 dak tema apuba den kar dakbo zükogo, ta monitoring group kati ashi.

Taoba hopta linük nung nisung meyirejang aikati longkak aitba sülen Russia nung ketdangsürtemi tensa azüoktsü merang saka tamakok angu. Tepuokdak ayutsü amokmeren aser social media group tem amokmerenba den police temi yimtitem kanga junga meita liaka Deobarnü Russia kübok tesem balala nung nüburtem aika adenshia longkak aitogo.

Navalny'er teloki ano Mongolbarnü pa okadaki anir oa ken o angadanga mapang longkak aitsü ayongzükogo. Mongolbarnü sülen pa tepuokdak mapang talangka ayutsü akok.

Arishi küm 44 tain Navalny ya anti-corruption investigator ka lir, shiba Putin aitsür rongnung tongtiba lir. Pa January 17 nü Germany nungi meyipa aruba sülen apu, kong pa ita pongu tashi miim chisemba anpalua liasü. Pai pa nem miim agütsüba ya Kremlin dak atonger, ajisüaka Russia ketdangsürtemi pai taittsü magizük. Pa Germany nungi meyipa aruba sülen law enforcement den senden amentsü atema latettsü aliba ama arua shilem magiba atema aija apu.

United States-i Russia dang Navalny chioktsü mepeshia asüngdangogo aser longkak aitertem tashiyim agi azüoktsü merangba aitsüogo.

Iba dak sendakba nung Russian Foreign Ministry-i, US inyakyim ya Russia telung ken o nung jushiba ka lir, ta shia Washington-i longkak aitertem pusema linük nung densa tamajungba kümdaktsütsü meranger ta ashi.

Deobarnü police temi linük kübok tesem balala nung nisung 5,100 dak tema apu. Police temi January 23 nüa Russia ajunga

nungi longkak aiter 4,000 shi pua lir.

Moscow nung ketdangsürtemi yimti teyong nung security akangshi aser iba den Kremlin anasa subway stations shibangtsü aser bus traffic tajemba kümdaktsüba den restaurant aser store tem shibangtsü atema tetuyuba agütsü.

Navalny'er teloki Deobarnü longkak aitba sentong ya Moscow kübok Federal Security Service headquarter tongtiba amenoker aliba tesem Lubyanka Square nung agitsü sentong yanglu, ajisüaka police temi iba tesem meketbanga ayuba sülen tanga central square tem aser yimtung nung longkak aita liasü.

Deobarnü police temi nisungtem mashi mashi police bus nung putena ayu saka longkak aitertemi "Putin, mapa nungi anenang!" aser "Putin, auer!" ta yimyim ayima yimti teyongleni longkak aita ao.

Mapa ka nungbo longkak aitertem Navalny puoka aliba Matrosskaya Tishina tepuokdak leni ao ajisüaka police temi parnok meinshi.

Longkak aitertemi Russia yimtiba nung police temi meita aliba tesemtem apitoka longkak aita senzü. Police temi parnok telok tilala küma meinshi aser puden aser kar dakbo tazüka azük.

Moscow nung Navalny kinungtsü, Yulia densema nisung 1,600 dak tema apu. "Asenok ajem ajema lira parnoki asüngbo asenok mashika anema inyaktsü," ta lai longkak aitba sentong nung shilem magi tsüngda Instagram nung lemsatep.

Kasa mapang St. Petersburg yimti nunga nisung meyirejang aikati longka aitba sentong nung shilem agi. Iba yimti nunga nisung 1,100 dak tema puogo.

Maneni Siberia anüdoklen aser Yekaterinburg kübok Novosibirsk aser Krasnoyarsk nunga nüburtem aikati longkak aitba sentong nung shilem agiogo.

Somali yimtiba nung hotel ka amak; nisung teku asü

Mogadishu, Tsüklai/February 1 (Agencies): Deobarnü Somali yimtiba Mogadishu nung al Qaeda den sendaktepa aliba al Shabaab telungpurtemi hotel ka amak aser nisung teku tashi tepseta liasü. Telungpurtemi hotel amakba sülen sepai aser telungpurtem na tsüngda Hombar anepdang tashi khatepa liasü, ta police otongdar kati ashi.

Deobar nikongtsütsü agri ka nung bomb inoka bener arur pokdaktsüba sülen Shabaab telungpurtem aser security forces na tsüngda Hotel Afrik nung khatep tenzük. Telok ana tsüngda hombar anepdang tashi raraa liasü.

"Meita aoba sentong tembangogo. Hotel amakertem pezü densema nisung teku tashi süogo aser iba lendong nung civilian 10 dak tema yirua liasü.

Electricity mali," ta Sadik Ali-i lendong atalokba tesem nungi Facebook ajanga osangbenertem nem osang agütsü.

Ato Kilonser Mohamed Hussein Roble-i sangdong ka ajanga ashiba agi, asürtem rongnung taoba military general, Mohamed Nur Galal densema liasü.

"Hotel amakba ni aitsür. Asür ajak dang Allah-i taochi sayuangma. Küm 50 tashi linük kümzüka ayuba nung shilem tajung agiba atema General Mohamed Nur Galal teti bilemtettsü," ta pai ashi.

Parnok sasa Islamic ozüng meyipzükur Somalia central sorkar atsüngtokar parnoki yimsüsü asütsü atema Al Shabaab pur 2008 küm nungi raraa arudar.

Parnoki mapangshia Mogadishu aser Somalia nung tanga tesemtem maka arudar.



Israel linük tiyonglen aliba Shohan jila nung Central Elections Committee indang Logistical center nung mapa inyaker temi ballot renemba noksa nung angur. Israel parliament atema election ya March 23, 2021 nung agitsü sentong lir.



Dimapur, Tsüklai/February 01, 2021: Deobarnü (31.01.2021) HQ IGAR (North) kübok Dimapur Battalion indang Assam Rifles-i Kashiram Basti aser Dhansiri tesem nung Pulse Polio Immunization Camp ayongzük, kong Indisen, Kacharigaon, Lengrijan aser Purana Bazar nungi arishi küm 5 tekübok tanurtem nem Dimapur Battalion Assam Rifles indang Health workers temi 'polio drops' jemdahtsü. Iba camp ayongzüksüba atema tentet balalai Dimapur Battalion - Assam Rifles dang pelaba metetdahtsüogo.

'Aquaman 2' taküm tsüklawa mongpu tangoktsü akok: Dolph Lundgren



nung yanglutsü ya mapa tasak lir. Ajasünung, iba maparen ya tasak, saka tajangshiba ya balala aser actor takotet [Willem] Dafoe, Patrick Wilson aser Jason Momoa nunger den jangratema inyakogo," ta Dolph-i ashi.

'Aquaman 2' film ya 2022 küm December 16 nü sayatsü sentong lir.

Iba sequel otsü dak sendakba nung osang tejangja agüja maliyongjia, Aquaman 2 nung Xebellian princess Mera (Amber Heard), kasa mapang supervillians King Orm (Patrick Wilson) aser Black Manta (Yahya Abdul-Mateen II) nungeri tanaben shilem agiba angutsü.

Taoba mapang, Director James Wan-i ashiba agi, film tanabuba ya mezüng dangi nungi kanga agi otsü tarokba alitsü.

Arishi küm 43 tain film yanglur James-i ashiba agi, tawa tanü den apet iba film yanglutsü sentong nung lir.

Toaba küm, James-i, "Tanabuba film otsü ya tera tarokba nung tawa tanü nübur libaliro den putepa yanglutsü onok tebilemba lir," ta ashi.

Wan-isa, 'Aquaman 2' film ya horror yimya ka nung yanglutsü lemsatep.

New York, Tsüklai/February 01, 2021 (Agencies): Taküm tsüklawa mongpu nungi 'Aquaman 2' film tangok tenzüksü akok, ta actor Dolph Lundgren-i ashi

2018 DC Extended Universe indang sequel nung arishi küm 63 tain actor Dolph yagi tanaben Xebel King Nereus ama shilem agitsü terenemba lir, aser taküm küm tom ka nungi COVID-19 tensa asadanga London yimti nung iba film tangok tenzüksü sentong lir, ta pai lemsatep.

Deobarnü (31.01.21) Wizard World panel sentong nung, Dolph-i "Taküm tsüklawa mongpu mapang, London nung ni 'Aquaman 2' nung shilem agitsü akok aser iba film ya taruba küm theatre tem nung sayatsü imlar," ta ashi.

'Creed II' nung shilem agisang Dolph-i, mezüng film (Aquaman) tangokba mapang Jason Momoa (Aquaman) aser Willem Dafoe (Nuidis Vulko) nunger den pelatepa inyakba lemsatep, saka anogo nung ghonda ishika lisü nung sangzua film tangokba maparen ya tasak liasü, ta ashi.

"Film tangokba maparen tsütsü ['Aquaman'] ya ni atema tajangshiba tasen ka ama liasü. Ni ajemba Evian tzu pongdang nung tzu anguba dak alaka, iba film set nung tzu mamshi aser iba set kanga dang takong liasü," ta pai shisem.

"Anogo nung ghonda 5 nungi 8 tashi lisü nung sangzua, yimya kati tetsüng aser temang arakzua aser jembia film tangoktsü aser iba sülen kou arakzua yimyatem computer



Kangtsüng Baptist Arogo nung February 1, 2021 nungi Vacation Bible School tenzükba anogo nung tanurtem aser tesayurtem külemi agiba noksa ka angur. Iba sentong ya Christian Education director Mrs. Abenla Jamir lenisüba kübok agir aser shisalen sayurtemji Mr. Meren Lemtur aser Mrs. I. Ayala Jamir na lir. (Kangtsüng, February 1)



Office of the
Kumlong Ward Yimden
Mokokchung - 798601, Nagaland
TENÜNGSANG AGÜTSÜR

Sd/-
S. Lanu Imchen
Chairman
Kumlong Ward Yimden

Sd/-
T. Watinungba
Secretary
Kumlong Ward Yimden

Katrina-i 'Phone Bhoot' tangok tenzükogo



Udaipur, Tsüklai/February 01, 2021 (Agencies): Bollywood Actress Katrina Kaif-i Udaipur nung la indang taruba horror comedy 'Phone Bhoot' tangok tenzükogo. Hombarnü, Katrina-i Instagram sabang ajanga iba film tangok tenzükba osang den külemi video clip ka lemsatepa liasü.

Iba video clip nung Katrina-i mask aser face shield inoker tayimtsü nung ayamesoa aotsü renemba sayur. Lai phone , ghost ka aser airplane indang emojis tem Instagram ajanga lemsatep.

La den külemi shilem agitsüpur - co-stars Ishaan Khatter aser Siddhant Chaturvedi natia Instagram Stories nung airport aser flight nung tangokba lemsatep.

Siddhant-i Udaipur noksa ka den iba yimti nung team pur film tangoktsü ta lemsatepogo.

Iba film ya Gurmmeet Singh-i direct asütsü aser Farhan Akhtar o Ritesh Sidhwani na producer inyaktsü. Phone Bhoot atema Ravi Shankaran aser Jasvinder Singh Bath nati otsü zülutsüogo.

Kasa mapang, Katrina-i Rohit Shetty indang kanga dang yongyaba action film Sooryavanshi sayatsü atadar.

Rohit indang cop film pezübuba - Sooryavanshi nung lai Akshay Kumar den külemi shilem agiba angutsü. Iba film sayatsü aiben thinenja arur sülen, Sooryavanshi ya taküm March ita sayatsü imlar. Iba dak alia, Katrina-isa Ali Abbas Zafar indang superhero project ka nung shilem agiogo.

JCPI ajanga asür Temjen Toy IAS mang ayimer

Dimapur, Tsüklai/February 01, 2021 (TYO): Nagaland Chief Secretary, Temjen Toy IAS ajungbena asüba asoshi Joint Committee for Pervention of Illegal Immigrants (JCPI) ajanga mang ayimer. Nagaland asoshi administrator tetemjen ka samaogo, shiba asen linük indang shidakba jabaso ka liasü.

Asür Temjen Toy-i mapang shidak nung teka amuokba ajanga Abishek Singh

Committee ya tenteta Dimapur nung ILP maparen tenzük aser RIIN report agizük, ta JCPI indang Media Cell ajanga sangdong ka nung ashi.

Mangyimer kibong den JCPI ajanga asükhu lemsateper aser kinunger adianutem mangyim tejashi nung aliba mapang Tulusang Tsüngremi tesunep aser anisüngzük agüjang ta sarasademsür, ta kasa sangdong ajangasa ashi.

CAGSA 50buba asayamung Phüsachodü nung tenzükogo



Manipur Minister for Public Health Engineering Department and Printing & Stationery, Losii Dikho-i Hombarnü Phüsachodü yimtsüng nung CAGSA souvenir sayatsü noksa nung angur.

Phüsachodü, Tsüklai/February 1 (TYO): Chokri Area Games and Sports Association (CAGSA) 50buba asayamung ajungba Phek district kübok Phüsachodü yimtsüng nung Hombarnü tenzükogo.

Asayamung lapokba sentong nung Minister of PHED, Printing and Stationery, Government of Manipur, Losii Dikho tongti tesemdang liasü aser pai asayatem dang saisapong ya jangradem atema dang masü saka nükjidong yur shilem agitsü ayongzük.

Paisa, asayatem dang saisapong nung lenir kaka küma lokti nung temelenshi benar arutsütsü ajungshi.

Minister-i ashiba agi,

saisapong ajanga temelenshi, telongjem aser rongsenketsüng nung terenlok benar arutsütsü aser ibajagi meyiper lokti nung temelenshi adokdaksütsü, ta ashiba den tanü alima nung takartem aika asayatem lir, ta ashi.

Paisa, Naga nungtem kanga tashi tait aser saisapong nung temaba jenjang tongtetsü, ta shia pai lenirtem dang sempet aketba asayatem jangjaa parnok ajungkettsü ajungshi.

Kasa mapang nung MLA Dr. Chotisüh Sazo-i asayatem dang pei asaya yimya ajungkettsü atema rangloker asayatsü ajungshi. Paisa, state aser district jenjang nung asayatsü atema dang nükjidong meyui Olympic (international)

jenjang nung asayatsü atema nükjidong ayutsü ayongzük. Taküm libaliro azioka CAGSA asayamung nung medemer tasen yangluang, ta pai ashi.

Sentong nungsa Phek District Sports Association (PDSA), Nezosa Teste-o-i, PDSA asayamung March ita Thenyizu yimtsüng nung agitsü ta metetdaksüba den iba asayamung nung Naga style wrestling asayatsü aser area unit ajak nungi wrestler ananati shilem agitsü ta shisem. CAGSA asayamung ya lanur asayatem ajungkettsü mapang ka lir, ta shia pai, asayatem iba asayamung ya maongka tajung ama agitsü ayongzük.

Maneni CAGSA tir Vekhayi Rüho-i asayatem dang temulung mademi pei akokba tajungtiba agi shilem agitsü ajungshi.

CAGSA media team sangdong ka ajanga ashiba agi, iba asayamung nung Phek district kübok Chokri tesem nung aliba yimtsüng 11-i shilem agitsü. Yimtsüngtem rongnung Thenyizu, Chetheba, Chesezu, Khulazu Basa, Khulazu Bawe, Thipüzu, Phüsachodü, Rükizu, Kikrüma, Chikri Nasa, aser North Kikrüma densema lir.

Anogo teku asayatsü aliba asayamung nung tetsür tebur atema track events 7, teburtem field events 6 aser tetsürtem field events 5 asayatsü. Asayatem rongnung football, volleyball, basketball, archery aser arm wrestling densema lir. 50buba CAGSA asayamung ya February 9 nü tembangtsü.

Ibrahimovic aser Lukaku na mangatettep Federation-i asadangtsü

Rome, Tsüklai/February 1 (Agencies): taoba hopta Zlatan Ibrahimovi aser Romelu Lukaku na tsüngda mangatettep adokba bushitsüngdangtsü atema Italian soccer federation prosecutor temi Hombarnü ken o ka lapokogo.

Italian Cup quarterfinal nung mangatettep adokba sülen temerenshi agütsüba dak sendakba nung prosecutor Giuseppe Chin-i ken o ashishitsü atema Referee Paolo Valeri jaoka liasü.

Asaya mezügbuba shilem tembangtsü lia Ibrahimovi aser Lukaku na tsüngda mangatettep adoka asatep aser tenaprongla nem yellow card kaka agütsü. Halftime whistle apuba sülena taoba mapa Manchester United nungi külemi asaya aliba asayar ana ya maneni asatepba nguogo, aser Lukaku kanga mit adokba ajanga sota ayutsüsa aküm.

Asaya tamnabuba shilem

nung Aleksandar Kolarov alangdaksüba sülen Ibrahimovi nem tanabuba yellow card agüja pa asaya nungi tugudaksü.

Iba asaya ta Lukaku'er team Inter Milan-i goal 2-1 agi Ibrahimovi'er team AC Milan akok.

Asayar anaprongla nem Hokolbarnü league obendangeri asaya kaka nung shilem magitsü tenokdangba agütsüogo, ajisüaka iba dak alia tanga tenokdangba kecha magütsü.

Asaya nung Ibrahimovic yellow card ana chia asaya nungi yokba atema asaya ka tenokdangba agütsü aser Lukaku'a taoba mapang card chir aliba bendener taruba asaya nung shilem magitetsü.

Lukaku, Mongolbarnü Juventus den semifinals mezügbuba leg nung shilem magitetsü aser Ibrahimovic taruba asaya nung masayatetsü.

Neymar-i maneni PSG nungi asayaner



Tsüklai/February 1, 2021 (Agencies): Paris St Germain nungi forward Neymar-i ashiba agi, pa maneni Ligue 1 champion team nungi asayaner aser Kylian Mbappe-ia club den maneni tenangzüktepba yanglutsü imlaba lemsatep.

Neymar 2017 küm Barcelona nungi otsü tasen ka yanglua euro million 222 yong PSG-i aru, saka Spanish media-i arishi küm 28 tain forward ya tanaben Barcelona-i meyipa aotsü janrara ta shia aruogo.

Mbappe aser PSG na tsüngda tenangzüktepba yanglur aliba ita 18 anunga lir aser France nung forward ya Real Madrid-i aotsü ta osang prokshiba manager tasenba Mauricio Pochettino-i songtemtsüogo.

"Ni kanga pelar. Inyakyim aika melenshiogo ni dang bilemer asü temelenshi lir aji ni rasaa ashitsü makoktsü," ta

Neymar-i ashi. Pa PSG den tenangzüktepba yanglur aliba 2022 küm June ita tembangtsü, ta French television channel TF1-i ashi.

"Ni tang tesüngjemba kümogo aser iba club nung temulungsüa dang asayar. Ni PSG nungi asayaner aser Kylian-ia club toktsür maotsü imlar. Auh aji PSG pusemertemia aginer. Kylian den adianu ama tesendaktep tajung lir aser künapronglai külemi asayaner.

"Onoki PSG ya team tajung ka kümdaktsüner aser Paris nung ni anogoshia kechi inyaka aruogo yamaji maneni inyaker- football asayatsü aser pelaa alitsü. Ibaji ajak dang tongtibangtiba," ta Neymar-i ashi.

PSG pur tang League 1 nung jenjang asembuba nung lir aser parnoki temaba jenjang nung aliba club Lille point asem agi memenepli lir.

India aser England na tanabuba Test nung terpranger shilem 50 arudaktsütsü

Tsüklai/February 1, 2021 (Agencies): BCCI aser Tamil Nadu Cricket Association nati India aser England na tsünga M A Chidambaram stadium nung tanabuba Test asayaba mapang terpranger shilem 50 arudaktsütsü atema telemtetba agiogo, ta TNCA ketdangsur kati Hombarnü PTI dang ashi.

Asayaba moaputemi terpranger arudaktsütsüba dak sendakba nung tetuyuba tasen agütsüba sülen iba ken o ya TNCA züngsemtemi benoka sensak asem. TNCA aser BCCI ketdangsurtem senden amenba mapang iba telemtetba agi.

"Central sorkari asayaba moaputemi terprangertem arudaktsütsü atema COVID-19 guidelines tasen agütsüba den state sorkaria Deobarnü SOP tem agütsüba sülen onoki India aser England na tsüngda tanabuba Test asayaba mapang terpranger

arudaktsütsü atema ken o benoka sensak asem," ta TNCA-i PTI dang ashi.

"BCCI aser TNCA-i wara nungi jenboa alitsü atema jenjang tapet tem agia terpranger shilem 50 arudaktsütsü lemtetogo."

M A Chidambaram stadium capacity 50,000 lir.

India aser England na tsüngda mezügbuba Test Hokolbarnü tenzüktsü aser tanabuba test February 13 nü tenzüktsü. Ahmedabad nung tasembuba aser pezübuba test atemabo terpranger arudaktsütsü temelaba agüjatokogo.

Ketdangsurisa, stadium nung press box ajanga Test anaprongla indang osang agitsü atema osangbenertem nem temelaba agütsütsü. Ajisüaka media conferences bo virtually dang agitsü, ta ashi.

BCCI aser TNCA-i mezüngbo mezügbuba asaya

ana stadium shibanga yur asayatsü lemtet, saka home ministry-i tetuyuba tasen agütsüba sülen telemtetba agishi.

Ketdangsurtemi ashiba agi, mezügbuba asaya nung terpranger arudaktsütsü atema mapang kanga apara.

Pai ashiba agi, mezügbuba aser tanabuba test na tsüngda anogo asem dang ita liaka terpranger shilem 50 stadium-i aidaktsütsü atema maparentem achaayangtetsü ta TNCA-i temulung lema bilemer.

Tamil Nadu sorkari Deobarnü, cricket densema saisapongtem reprangtsü atema terpranger shilem 50 nem temelaba agütsütsü, ta sangdongogo.

England aser Wales Cricket Board (ECB)-i terpranger medeni asayatem asayatsü mepeshia liasü. ECB otongdar-i ashiba agi, BCCI nungi osang angazükba sülenang parnoki telangzüba agütsütsü.

BILEMDANGANG

"Bilemba kisung agi mapa makümer aser azüapongba agi aji mataloker."